

Script of Morning Gojri News Bulletin 05 October 2025 at 1015Hrs

مارننگ گو جری نیوز بلیٹن مورخہ 05 اکتوبر 2025

یوہ آکا شوانی جموں ہے محمد امین انجم تیں خبر سنو۔

Jitendra Singh Udh Airport

وزیر اعظم غا دفتر مانہ مرکزی وزیر مملکت ڈاکٹر جتندر سنگھ نے کہیو ہے جے اُدھم پور ہوائی اڈا نانہ قابل کار بنان غی کاطر حتمی شکل دتی گئی ہے ، جد کہ مجوزہ کشتواڑ ہوائی اڈا نانہ اُڑان اسکیم مانہ شامل کیو جا رہیو ہے ۔ وزیر موصوف جموں کشمیر واسطے ہوا بازی منصوبیاں غو جائزو لے رہیا تھا ۔ انہاں نانہ جانکا ری دتی گئی جے اُدھم پور ہوائی اڈو شروع مانہ اے ٹی آر 72 سیٹر طیارہ نانہ چالو کیو جا رہیو ہے ۔

Rana Relief

جل شکتی غا وزیر جاوید احمد رانا نے کل ضلع پونچھ غا مینڈھر علاقہ مانہ سب ڈویژنل عملہ غی اک میٹنگ بلائی۔ میٹنگ غو مقصد حال ہی مانہ کالا بن علاقہ مانہ زمین کھسکن غی وجہ نال متاثر ہوا گنباں واسطے چل رہی رلیف تے باز آبا دکاری تدبیراں غو اندازو لانو تھو ۔ جائزہ غے دوران وزیر موصوف نے قدرتی تباہی غی وجہ نال ہوا نقصان غی وسیع تے شفاف جانچ پڑتال ور زور پایو۔ انہاں نے عہدیداراں نانہ ہدایت کی جے ویں اس گل نانہ یقینی بناویں جے کوئی وی گنبو نظر انداز نہ ہوے۔ انہاں نے انتظامیہ افسراں ور زمینی سطح ور جوابی ٹیمیں بشکار تال میل غی گل کی، تانجے باز آبا دکاری اور بحالی کوششاں نانہ ترتیب دتو جا سکے۔

Yatra Suspended

حکام نے ضلع کشتواڑ مانہ مچیل ماتا غی یاترا اج تیں 3 تہاڑاں واسطے معطل کر دتی ہے ۔ یوہ فیصلو محکمہ موسمیات غی طرفوں خراب موسم غی ایڈوائزری جاری ہون غے مد نظر لیو گیو ۔ اس تیں پہلاں شری ماتا ویشنو دیوی شرائین بورڈ نے وی احتیاط غے طور ور اسے وقت مانہ یاترا معطل رکھن غو اعلان کیو تھو ۔ قابل ذکر ہے جے 14 اگست نانہ مچیل ماتا غا داخلی گراں چشوتی مانہ بدل پھٹن غا نتیجہ مانہ 65 افراد جن مانہ متا سار ایا تری تھا، ہلاک ہو گیا تھا تے 100 تیں متا افراد زخمی جد کہ 32 افراد غو کوئی پتو نہیں چلیو تھو ۔ اسے طرح غا اک ہور واقعہ مانہ 26 اگست نانہ ویشنو دیوی رستہ ور زمین کھسکن غا نتیجہ مانہ 34 یاتری ہلاک جد کہ 20 دوجا زخمی ہو گیا تھا ۔

Manhas- GGM College

بھارتی کرکٹ کنٹرول بورڈ بی سی سی آئی غا نواں بنایا گیا صدر مٹھون منہاس نانہ جی جی ایم سائنس کالج جموں مانہ حوصلہ افزائی استقبال ملیو۔ اس سلسلہ مانہ کالج غا پرنسپل رومیش گپتا نے عملہ تے طالب علمان غے ہمراہ کالج غا سابق طالب علم مٹھون منہاس غو گرم جوشی نال استقبال کیو۔ قابل ذکر ہے جے مٹھون منہاس جھپڑا ضلع ڈوڈہ

غا بهائيسه گراں غا بسنيك ٻيں اور ويں جمون كشمير غا پهلا ايسا شخص ٻيں جنهاں نه بي سي سي آئي غي صدر آلي ياه آسامي حاصل كي۔ منهاںس هو راں نانہ بلا مقابلہ چُنيو گيو تے انہاں نه 28 ستمبر نانہ آينو كم كاج سنبهاليو۔

Women Cricket

بين القوامي خواتين كركت غا سلسلہ مانہ اڪ روزہ عالمي كپ غا ضمن مانہ اڄ بھارت اور پاڪستان بشڪار مقابلو وے گو۔ يوه ميچ آر پريما داسا اسٹیڈيم كولمبو مانہ وے گو۔ بھارتی وقت غے مطابق يوه ميچ بعد دوپہر 3 بجے شروع وے گو۔ اس سلسلہ مانہ بھارتی خواتين ٹيم نه پہلو مقابلو شري لنکا نانہ 59 دوڑاں نال برا غے جتيو تھو۔ اواں دوجے پاسے بنگلہ ديش نه پاڪستان نانہ 7 وکٹاں نال برادنتو تھو۔

Weather Advisory

محکمہ موسميات غي پيشنگوي غے مطابق آج تين 7 اڪتوبر 2025 بشڪار جمون كشمير پھر مانہ ہلڪي تين درميانہ درجہ غي بارش، گرج چمڪ تے اُچيرا علاقاں مانہ برفباري ہون غو امكن ہے۔ حُكام نه سب ڈویزن مہور غا لوکاں نانہ صلاح دتي ہے جے ويں متا خردار ربيں، لوکاں نانہ اپيل كي گئي ہے جے ويں آبي ذخائر نالاں تے درياں تين دور ربيں، اور اس وقت مانہ غير ضروري سفر تين پرہيز كريں، تانجے كسے ناخوشگوار واقعہ تين بچيو جا سکے۔ قابلِ ذڪر ہے جے ايڈوائزري مانہ كسے وي ملازم نانہ بغير اجازت غے اسٹيشن نہ چھوڑن غي گل كي گئي ہے۔

Weather

اڄ سویرے جمون غا گُجھ حصار مانہ درميانہ تين پھاري بارش ہو ئي ہے۔ محکمہ موسميات نه اڪ ايڈوائزري جاري کرتاں واں کہيو ہے جے جمون ڈویزن تے جنوبی كشمير غا بکھ بکھ علاقاں مانہ پھاري بارش ہو سکے۔ اس سلسلہ مانہ پيشنگوي كي گئي ہے جے يوه خراب موسم 5 اڪتوبر تين شروع ہو گے 7 اڪتوبر بعد دوپہر تڪ چلے گو۔ ايڈوائزري غے مطابق پھاري بارش غا نتیجہ مانہ جنوبی كشمير، پير پنجال رينج اور وادي چناب مانہ چند اُچيرا علاقاں مانہ پھاري برفباري ہو سکے۔ اس ضمن مانہ زمين كھسڪن اور كئيں تھاريں پتھر ڈھن غو خطرو وي اُجاگر كيو گيو ہے تے مسافراں اور اُن خطاں غا بسنيكاں نانہ خردار كيو گيو ہے۔

اس غے نال بي خبراں غو يوه بليٹن ختم ہوؤ۔